

李文忠公奏稿

李文忠公奏稿

卷之二十三 目錄

京外捐賑河開片 光緒四年九月二十六日

部北賑災片 光緒四年九月二十六日

光緒三年賑撫數目 光緒四年九月二十六日

直隸防勇難議裁減摺 光緒四年九月二十六日

鄭藻如請簡關道摺 光緒四年九月二十六日

定陵工程請款摺 光緒四年十月初七日

奉撥馬匹散給河開耕農片 光緒四年十月十八日

機器局經費奏報摺 光緒四年十月十八日

撥濟吉林洋鎗片 光緒四年十月十八日

查擬開州民埵漫口情形片 光緒四年十月十八日

抵還閩省京餉請緩解片 光緒四年十一月初五日

鹽綱積引減新銷舊摺 光緒四年十一月初五日

調區調良回華摺 光緒四年十一月二十四日

經理練餉人員請獎摺 光緒四年十二月初五日

山海關局稅留抵防餉片 光緒四年十二月初五日

鄉試仍復巨字號摺 光緒四年十二月初五日

庫防調兵請緩辦摺 光緒四年十二月十一日

奏保李金鏞片 光緒四年十二月十三日

南運河撥款請給八成片 光緒四年十二月十三日

近省隄河工費摺 光緒四年十二月十三日

長蘆積欠展限停徵摺 光緒四年十二月十三日

考察堪勝專閩各員摺 光緒四年十二月十九日

滿蒙官民捐助耕牛請獎摺

光緒四年十二月十九日

查宗仁留直片

光緒四年十二月十九日

李文忠公奏稿卷三十三

全集一之三十三

桐城吳汝綸編錄

京外捐賑河閒片

光緒四年九月二十六日

再前因河閒府屬受災最重饑民甚多必須廣籌賑濟當經奏派翰林院編修吳大澂直隸候補道盛宣懷分發補用同知李金鏞前往督同地方官紳認真查辦由臣先後撥給酒米雜糧十四萬餘石借撥庫款銀八萬五千兩核計不敷尙鉅又與吳大澂等籌商告助據兵部侍郎夏同善集捐銀九千九百九十一兩三錢順直京外各員公捐銀一萬兩編修張之洞另集捐銀一千五百六十兩國子監司業汪鳴鑾集捐銀一千兩修撰洪鈞集捐銀五百兩編修錢延釐集捐銀一千兩江蘇巡撫吳元炳捐銀一千兩署福建巡撫船政大臣吳贊誠捐銀五百兩湖北提督李長樂捐銀

六百兩福建陸路提督唐定奎捐銀一千兩直隸正定鎮總兵吳長慶捐銀一千兩江西候補道胡光墉捐銀一千五百兩又集捐銀三千兩前直隸臬司黎兆棠捐銀一千兩新任臬司丁壽昌捐制錢三千串銀二百兩江蘇常熟縣紳富公捐銀一千七百六十兩八錢以上皆由吳大澂告助經收者盛宣懷捐制錢四千串又集捐銀一千兩洋銀一千元制錢五百串李金鏞勸釀上海廣東浙江各善堂會館集捐銀二萬五千三十兩制錢一萬五千串上海泖陽江陰紳商集捐銀一萬九百六十兩共計捐款銀七萬四千二百一十一兩洋銀一千元制錢二萬二千五百串連本地富捐及洋人捐款均經查戶核實散放分作籽種口糧並旁及武昌南皮等縣俾各屬災黎自春徂秋藉資接濟農田亦得收成實屬保全不少京外諸臣公忠體

國力籌鉅款共救沈災洵足推廣

皇仁風勵薄俗

微臣

感幸尤深在諸臣

實心爲公皆稱不邀獎敘

但災區沾茲大惠活人無算未便墮於

上聞仍應各按捐數並查明紳商集捐各名數查照直隸賑捐章程分別請獎移獎以仰副

朝廷旌功勸善至意所有河間府屬賑案收過京外集捐數目理合附片具陳伏乞

聖鑒訓示謹

奏

祁兆熙改獎片

光緒四年九月二十六日

再前於光緒二年五月兩江督臣沈葆楨會同臣恭摺

奏保辦理幼童出洋肄業滬局事竣出力人員請獎單內有廣東試用同知祁兆熙請以同知仍留廣東歸候補班前先補用旋准吏部議以局務出力人員祇准保舉升銜加級如保奏官階班次概行議駁行令另核奏獎等因臣查祁兆熙前經札委招募三四批江浙幼童並護送赴美國肄業往返重洋備歷艱險實屬勞勩卓著與尋常局務出力人員有間惟前請班次既經部駁自應照章改獎合無仰懇

天恩俯准將同知祁兆熙

賞加知府銜俾昭激勸其餘部駁各員容俟查明分別奏請外理合會同南洋通商大臣兩江督臣沈葆楨附片具陳伏乞



聖鑒訓示謹  
奏

光緒二年賑撫實數摺

光緒四年九月二十六日

奏為查明光緒二年旱災籌辦賑撫案內收支米糧銀錢棉衣實數照案開單彙報恭摺仰祈

聖鑒事竊照同治十一十二兩年順直各屬被水成災所有賑撫並以上代賑收支各款前於光緒元年十一月開開單彙報請照奏准成案免其造冊奉

旨戶部知道單併發欽此欽遵在案光緒二年順直各屬被旱成災欽奉

恩旨飭撥部款銀十萬兩並經臣會同順天府尹奏准截留東漕奉糧六萬七千餘石一面籌勸官紳商富量力捐助暨設法勻湊庫款賑濟窮黎除部款撥歸順屬銀三萬兩由府尹奏報外其天津籌賑局列收米糧棉衣銀錢隨時撥發各屬工賑之需自應查

明開報查光緒元年十一月奏報案內尙存銀八千六百七十九兩四錢三分一釐六毫八絲五忽六微連此次新收共合大米六千四百九石零粟米七萬八千六百四十石零雜糧四千九百八十二石零銀四十萬六千八百零兩零津錢六萬七千九百八十八兩零棉衣二萬五千五百三十件除支銷外尙餘大米五百石粟米二千五百三十八石五斗銀一萬五百四十三兩二錢七分二毫四絲七忽六微棉衣三千五百九十四件均歸光緒三年賑撫案內動用此外大名縣設立粥廠動用倉穀一千九百五十八石二斗七升九合元城縣設立粥廠動用倉穀二千九百三十八石九合灤州設立粥廠動用倉穀八千石已捐還三千三百九十六石三斗六升長垣縣查戶散放借動倉穀二千一百三十石平鄉縣查戶散放借動倉穀一千二百石慶雲縣查戶散放動用倉穀三百十

五石四斗無庸由局列作收支據報賑局司道開單具詳前來臣  
查直隸嘉道年間辦賑皆照定例各給兩箇月三箇月口糧奉撥  
銀米每至百數十萬近因帑藏支絀撥款無多連集捐各款亦不  
過從前十之三四勢難照例給賑故必變通章程賑其老弱殘疾  
而令少壯者藉工備趁以期一舉兩得所有光緒二年賑撫均照  
上兩屆定章確查戶口核實撫卹災重則口少而糧多災輕則口  
多而糧少並擇地安設粥廠備廠收恤流民春融發給路費行糧  
遣散歸業由臣督飭官紳親自經理不假吏胥之手窮黎得沾實  
惠至以工代撫亦皆核實經營使強壯災民有餬口之資地方河  
渠獲善後之益臣復隨時隨事督同司道嚴密稽核凡工賑各款  
皆係實用實銷並無絲毫浮冒相應將收支實數照章彙開清單  
恭呈

御覽仰懇

天恩俯照歷屆奏准成案免其造冊以歸一律理合恭摺具陳伏

乞

皇太后

皇上聖鑒敕部知照謹

奏

謹將光緒二年旱災案內籌辦各屬賑撫收支米糧銀錢捐  
衣數目核實開具清單恭呈

御覽

計開

原存項下

一存銀八千六百七十九兩四錢三分一釐六毫八絲五忽六微

收數項下

一收截留東潤粟米五萬三千七百八十六石五斗二升五合七

勺

一收截留奉天粟米一萬四千六百八十一石二斗七升六合九

勺一抄內除同益順海船遭風沈失米一千七十一石另行辦理

外實收粟米一萬三千六百一十石二斗七升六合九勺一抄

一收天津水利局撥解同治十三年光緒元二兩年徵存葛沽營田租大米二百四十六石

一收官商捐賑大米五百石

又捐粟米一萬一千二百四十三石三斗六升一合六勺八抄

又捐雜糧四千九百八十二石六升五合

一收采買大米五千六百六十三石三斗三升六勺六抄

一奉部撥銀十萬兩除撥順屬三萬兩實收銀七萬兩

一收支應局津郡釐金銀二萬八千九百八十四兩六錢六分五

釐一毫二絲

又收練餉生息銀一萬九千八百二十二兩三錢五分七釐四毫

一絲八忽

一收練餉局撥銀六千六百五十八兩七錢一釐八毫

一收捐款銀二十一萬五千七百三十二兩九錢六分八釐六毫五忽六微

一收出糶粟米二萬八千六百五十一石九斗二升六合九勺一抄合價銀五萬七百三十兩三錢四釐六毫一絲六忽

一收捐款津錢六萬七千九十八串二百八文

一收捐棉衣二萬五千五百三十件

以上原存新收共大米六千四百九石三斗三升六勺六抄粟米七萬八千六百四十石一斗六升四合一勺九抄

雜糧四千九百八十二石六升五合

銀四十萬六千八百四錢二分九釐二毫四絲五忽二微

錢六萬七千九百八十八串二百八文

棉衣二萬五千五百三十件



支銷賑撫項下

一天津縣貧民一萬六千九百八十六戶其大小折成三萬九千一百七十口半冬春兩撫計發大米一千四百四石七斗八升三合四勺六抄粟米一千五百十七石四斗八升一合二勺八抄雜糧四千五百石九斗采買高粱銀二千五百九兩四錢五分六釐棉衣六千三十四件

一靜海縣貧民四千六百七十二戶其大小折成一萬三千七百八口半計發春撫銀二千兩

一青縣貧民四千八十四戶其大小折成一萬一千五百四十七口計發粟米一千石春撫銀一千兩

一滄州貧民二千五百七戶其大小折成六千八百九十口計發粟米一千五百石春撫銀一千兩

一南皮縣貧民一千二百七十七戶共大小折成七千五百十三

口半計發粟米二千五百石銀一千兩

一鹽山縣貧民三千七百一戶共大小折成一萬二千四十三口

半計發粟米一千石春撫銀八百九十九兩一錢六分

一慶雲縣貧民一萬二千七百八十戶共大小折成三萬三千九

百四十四口計發冬春撫粟米三千二百二十五石五斗五合七

勺運腳經費津錢五千七百二十串

一河間縣貧民五千六百五十九戶共大小折成七千五百五十

六口計發冬撫銀一千五百兩

一東光縣貧民六千八百三十二戶共大小折成二萬六千七百

七十二口計發粟米二千石春撫銀一千兩

一任邱縣貧民一萬四千二百三十二戶共大小折成五萬一千

七百八口半計發粟米三千石

一發甯津縣平糶粟米三千石

一發吳橋縣平糶粟米二千石支用經費銀二百七十六兩二錢

三分五釐

一遷安縣三屯營米廠自二年十二月二十六日起至三年二月

二十六日止其計折價散放大口二千八百九十四口發銀二千

兩

一盧龍撫甯二縣貧民二千九百五十三戶折成大口四千一百

二十八口發撫恤銀二千兩

一發大名縣粥廠經費銀三百七十二兩七錢五分八釐

一發元城縣粥廠經費銀一百二十八兩二錢二釐

一撥解順屬捐項銀二萬三千兩

一文大霸保等處災民八千五百六十戶折成大口二萬二百七十口發撫恤銀一萬兩

一發光緒元年津郡粥廠經費銀一千八百兩

一發采買大米五千六百六十三石三斗三升六勺六抄合價銀萬五百九兩七錢七分

一博野縣貧民一千三百七十戶折成大口三千六百十二口發粟米五百石

一蠡縣貧民一千五十七戶折成大口三千二百六十口發粟米五百石

一雄縣貧民二千八百九十戶折成大口五千一百三十二口發粟米一千石

一高陽縣貧民一千四百四十戶折成大口三千四百八十口發

粟米八百石

一任邱縣貧民五千六百九十五戶折成大口八千六十六口發粟米二千石

一省城米廠自二年十二月二十日起至三年二月底止折成大口五千六百十口至一萬二千三百口不等除動用倉米外計撥發粟米二千六百六十一石五斗

一領運賑米由津赴省共用腳價銀九百五十五兩五錢三分

一遷安縣粥廠自二年閏五月初八日起至七月初十日止折成大口一萬二千四百十六口至一萬四千三百二十口不等共用粟米五千二百六十五石三斗四升三合五勺高粱四百一石一斗六升五合

一灤州粥廠自三年三月初八日起至五月初二日止折成大口

一萬三千一百七十六口至一萬五千九百十口不等共用粟米五千九百七十八石一升八合一勺八抄銀一千兩津錢三千四百串

一高陽縣貧農一千二十二戶發籽種雜糧八十石

一發順天委員共領煮粥粟米五千四百石歸順天查報

一發天津府平糶粟米五千四百十五石

一發天津縣平糶粟米一萬三千六百十石二斗七升六合九勺

一抄

又平糶粟米四千六百二十六石六斗五升

一津郡城隍廟粥廠自二年十月初五日起至三年正月二十四日止每日收養流民計大小折成一千三百餘口至五千二百餘口不等共用大米四百八十石二斗七升五合粟米一千九百十

七石一斗九升七勺五抄搭蓋窩棚購買柴薪銀二千五百五十七兩九分三釐八毫九忽九微棉衣三千九百件

又海會寺粥廠自二年十月初十日起至三年正月二十日止每日收養流民計大小折成五百八十餘口至二千三百餘口不等其用大米一百六十八石七斗五升粟米一千一百石搭蓋窩棚購買柴薪銀一千三百三十七兩七錢五分三釐二毫七絲一忽三微棉衣一千三百四十件

又南大寺粥廠自二年十月十六日起至三年正月二十日止每日收養流民計大小折成五百餘口至一千四百餘口不等其用大米二百三十六石二斗五升粟米四百六十四石搭蓋窩棚購買柴薪銀七百七十兩八錢六分四釐四毫九忽二微棉衣一千十八件

又如意庵粥廠自二年十月十七日起至三年正月二十四日止  
每日收養流民計大小折成一千一百餘口至二千二百餘口不  
等共用大米五十六石二斗五升粟米七百二十五石三斗五升  
五合五勺搭蓋窩棚購買柴薪銀一千七十一兩八錢二分九釐  
二毫二絲一忽六微棉衣一千四百件

又鄉祠粥廠自二年十一月十六日起至三年正月二十四日止  
每日收養流民計大小折成七百餘口至一千二百餘口不等其  
用大米一百一石二斗五升粟米四百五十五石六斗三升搭蓋  
窩棚購買柴薪銀六百三十五兩八錢六分六釐五毫六絲五微  
棉衣八百八十四件

又大悲庵粥廠自二年十一月十六日起至三年正月二十日止  
每日收養流民計大小折成三百餘口至二千八百餘口不等其



用大米二百二石五斗粟米七百十七石五斗搭蓋窩棚購買柴薪銀九百八十六兩八釐三絲七忽八微棉衣一千五百二十件又育黎堂粥廠自二年十一月十六日起至三年正月二十日止每日收養流民計大小折成五百餘口至一千二百餘口不等其用大米二百二十八石三斗七升五合粟米二百八十九石五斗八升六合四勺九抄搭蓋窩棚購買柴薪銀四百二十九兩八錢九分二釐二毫三絲二忽九微棉衣八百八件

又北大寺粥廠自二年十一月十九日起至三年正月二十日止每日收養流民計大小折成六百餘口至九百餘口不等其用大米一百十二石五斗粟米二百五十三石五斗九升四合七勺五抄搭蓋窩棚購買柴薪銀五百七十一兩七錢三釐八毫九絲二忽三微棉衣六百八十九件

又玉皇閣粥廠自二年十一月十九日起至三年正月二十日止  
每日收養流民計大小折成二百餘口至一千三百餘口不等共  
用大米二百十石九斗五升粟米三百六十七石三斗四升搭蓋  
窩棚購買柴薪銀七百四兩三錢八分三釐五毫五絲二忽四微  
棉衣一千八十件

又關家大院粥廠自二年十一月十九日起至三年正月二十四  
日止每日收養流民計大小折成一千六百餘口至二千八百餘  
口不等共用大米二百二石五斗粟米七百十六石九斗四升二  
勺五抄搭蓋窩棚購買柴薪銀一千三百二十五兩八錢七分七  
毫八絲三忽五微棉衣二千二百十件

又慶芳園粥廠自二年十一月十九日起至三年正月二十四日  
止每日收養流民計大小折成一千一百餘口至二千餘口不等

共用大米一百十三石三斗九升五合粟米二百三十石二斗五升搭蓋窩棚購買柴薪銀四百八十一兩七錢二分七釐二毫九絲七忽八微棉衣六百四十四件

又大佛寺粥廠自二年十一月十九日起至三年正月二十四日止每日收養流民計大小折成二百餘口至一千一百餘口不等共用大米一百一石二斗五升粟米二百六十九石八斗五升一合搭蓋窩棚購買柴薪銀五百三十三兩五錢八釐八毫一絲四忽九微棉衣四百九件

又西沽營粥廠自三年正月初十日起至二十四日止每日收養流民計大小折成三百餘口至二千六百餘口不等共用粟米九十四石六斗五升搭蓋窩棚購買柴薪銀二百四十兩六錢七分八釐八毫九絲九忽五微

一遣散各廠外來貧民共計大小折成二萬二千十一口用大米二千二百一石一斗盤費銀四千二百三十七兩四錢三分四釐二毫七絲四微又津錢八百八十一千五百文

一遣散各廠貧民加撫極苦各戶共用大米八十九石二斗二合二勺

支銷以工代撫項下

一修築河間縣子牙河隄銀二百五十兩

一修築天津縣賀家口隄銀九百四十六兩三錢五分

一修築天津縣董家房橫埝銀五百兩

一修築武清州鳳河東隄並挑溝港銀二萬七千五百七十八

兩五錢九分一釐五忽六微

一修築文安縣蒼兒淀清河北岸隄埝銀三千二百兩津錢一萬

九千四百十二串四百文

一修築霸州清河北岸並運糧中亭等河隄銀二千一百兩津錢六千七百八十九串五十文

一修築南皮縣北陳皮運隄銀一千兩

一疏濬永定河下游曹家淀下口河道並買麻繩禦水銀六千六百十兩二錢

一修築天津靜海一帶格淀隄銀四萬五千四百十二兩二分

一修築天津鳳河東隄銀二千六百兩津錢一萬一千三百八串八百七十八文

一修築文大引河兩埵除由順天府撥銀一千二百兩外由津局撥銀四千兩津錢一萬串

一撈挖清河淤阻銀三百六十九兩八錢

挑挖勝芳石溝河頭銀一千一百三十五兩一分六毫

修築靜海楊芬港上下游隄河銀五萬一千七百十七兩二錢

堵築霸州河隄漫口銀一千兩

挑挖大清河尾閘銀九千七百八十五兩四錢

修辦任邱縣疊道被水漫口並添建新橋銀五千七百四十二

兩六分

修築任邱縣古洋河並麻家沽半截河等處隄埝銀四千十六

兩五錢六分

修築河間郡城南關外新舊疊道大橋埽工土埝等項銀三千

二百八十兩六錢四分六釐八毫

修築河間縣古洋河西隄銀四千六百二十三兩三錢六分七

釐

一修築清河尾隄銀八百八十七兩四錢

一涿州城西普林莊拒馬河添砌石壩銀八百兩

一修築天津南運河北岸石隄銀一萬七百六十五兩

一修天津縣海河馬家口石隄月隄等項銀四千九百六兩三錢二分三釐

一堵築饒陽縣千民莊隄口銀三千二十五兩

一修任邱雄縣保定縣一帶千里隄趙王河隄清河隄並挖清河淤淺銀一萬六千一百五十八兩三錢五分八釐

一修定州河隄銀二千兩

一修安州河隄銀一千五百兩

一修永平府城垣銀二萬八千五百九十三兩九錢九分四釐

一修深州城垣銀一萬九千七百六十三兩三分

修沈澤縣護城隄等項銀二千兩津錢五百串

修平鄉縣城垣津錢九千八十六串三百八十文

修交河縣南運河隄銀一千兩

修永年縣河壩銀一千兩

修高陽縣駱駝灣老隄口門銀二千兩

修蠡縣劉史村越隄護埽並齊家坟等隄銀三千五百兩

修博野縣程六市解村營登隄銀一千兩

修祁州沙頭等村隄段銀五百兩

雄縣堵築莊頭隄口銀一千五百兩

修任邱縣鄭州四鋪千畝漫口銀三千兩

修吳橋縣王家淺運隄銀一千四百兩

修北運河木廠等處隄岸銀五百兩



一栽種潯州中亭河等隄柳株銀六百九十七兩五錢

一修築楊柳青迤東南運河隄銀九百三十三兩三錢三分

一挑挖淮漁淀西引河由北塘至陳家溝銀一萬一千三百二十

四兩三錢四分二釐六毫

一修北運河王家務壩工銀一萬一千四百二十六兩九錢九分

二釐五毫二絲

一修白龍潭廟宇銀五千七十一兩九錢五分七釐四毫一絲八

忽

以上共支銷大米五千九百九石三斗三升六勺六抄

粟米七萬六千一百一石六斗六升四合二勺九抄

雜糧四千九百八十二石六升五合

銀三十九萬六十五兩一錢五分八釐九毫九絲七忽六微

津錢六萬七千九十八串二百八文

棉衣二萬一千九百三十六件

實存

大米五百石

粟米二千五百三十八石五斗

銀一萬五百四十三兩二錢七分二毫四絲七忽六微

棉衣三千五百九十四件

直隸防勇裁減摺

光緒四年九月二十六日

奏爲直隸防勇營無幾察看情形難以裁減應請循舊辦理以重地方恭摺仰祈

聖鑒事竊本年五月間准兵部咨開會同戶部議奏各省防勇丁應酌量裁減以半年爲限統裁十成之一等因奉

旨依議欽此業將臣部准勇裁減緣由專摺奏報在案查直隸提鎮各標練軍本係經制之兵抽練成隊原爲整飭綠營拱衛畿疆而設與勇營不同不在裁減之列其原有勇營前於軍務肅清後卽經陸續裁撤僅留直隸義勝保陽步隊四營三哨及崇厚飭募雲字馬隊兩營曾國藩飭募樂字馬步隊兩營三哨並將原留銘軍一哨改歸樂字營節制誠以幅員遼闊如大順廣津河等屬多與豫東連界素爲盜匪出沒之區永平壤接邊關宣化北鄰草地

時有馬賊充斥若僅恃練兵實屬不敷分布不得不酌留勇營分駐巡緝比年以來馬賊鹽梟雖無大股蠢動而數十人或百餘人乘間竊發事所常有疊飭兵勇及時捕獲分別懲辦已至數百起之多地方藉以綏靜現在雲字營分駐鹽山慶雲及津北武清通州一帶樂字營駐巡青靜滄南一帶直字營駐巡河間府屬各州縣義勝營駐巡省北保陽軍駐巡省南此數處或盜賊最多或係入京大道皆練兵所不能徧及專恃該營彈壓緝捕當茲災歉之餘閭閻元氣未復匪徒勾結滋事在在堪虞必須加意防範況近畿地面重要防勇僅八營有零分布各路已屬難周若再裁減勢必愈形單薄臣悉心酌度應仍留該營哨分駐巡緝以資捍衛將來歲事屢豐盜風漸息再行察看核辦據津省司道會同營務處具詳前來除將該營哨駐巡處所管帶員名月需餉項開摺咨送

戶兵二部外理合恭摺陳伏乞

皇太后

皇上聖鑒敕部查照謹

奏

鄭藻如請簡關道摺

光緒四年九月二十六日

奏爲津海關道要缺照章酌保人員請

旨簡授恭摺仰祈

聖鑒事竊津海關道黎兆棠升任道缺前經臣奏委新授直隸臬司丁壽昌署理聲明俟遴選得人照章請補查該道專管申外交涉事件及新鈔兩關稅務責任綦重係衝繁疲難四字最要之缺天津爲通商總匯之區近來洋務日繁臣統轄北洋需才佐理必期關道得人遇事相機籌助上下承接中外不致隔閡非熟悉洋情通達政體之員難以勝任同治九年新設此缺經吏部奏定章程應由臣於通省現任候補道員現任知府內揀員請調請補請升如一時無人准於摺內聲明酌保一二員請

旨簡用前於同治十三年十月陳欽告病開缺經臣酌保江西候

補道黎兆棠奉

上諭直隸津海關道員缺著黎兆棠補授欽遵在案茲查直省道府中雖不乏賢能之員惟洋務條理繁多事體重大向來多未經辦實恐緩急難恃未敢稍涉遷就致滋貽誤自應照章聲明酌保查有存記海關道鄧藻如年五十二歲廣東香山縣舉人因軍務出力及成造輪船機器著績海保花翎遇缺儘先選用知府俟選缺後以道員儘先補用本年正月奉

上諭存記海關道候選知府鄧藻如著送部引見等因欽此旋即赴部帶領引

見並蒙

召見事竣出都經臣奏准留津差遣派辦洋務海防及營務處支應局事件查該員廉幹沈毅德器深厚識略閎通前在上海綜理

機器局十餘年與洋人交涉已久深明機要熟悉情形以之請補斯缺可期勝任相應仰懇

天恩俯念津海關道員缺緊要准以存記海關道鄭藻如補授庶於時局有裨該員係在

旨存記海關道銜缺相當且甫蒙

召見出都無庸送部引

見所有照章酌保人員請

旨俯授要缺緣由理合恭摺具陳伏乞

皇太后

皇上聖鑒訓示謹

奏



定陵工程請款摺

光緒四年十月初七日

奏爲

定陵等處添建營房工費直庫無款可籌請照原議由部另籌撥給恭摺仰祈

聖鑒事竊准戶部咨開

定陵

普祥峪萬年吉地

普陀峪萬年吉地暨

惠陵添建守護官兵營房估需工料銀三十五萬五千五百餘兩議由直隸藩庫按照放款章程籌撥馬蘭鎮修辦等因當經行司查核辦理茲據藩司周恆祺以此項工需向不由司撥給司庫亦萬無款項可籌具詳前來臣查此次添設執差守護官兵營房仿

照八旗內務府現建營房規模一體建蓋原爲

陵工特辦之事與尋常綠營備建兵房規制既大小不同需費亦繁簡迥異是以馬蘭鎮與工部原奏皆請由戶部籌款發給而戶部謂係綠營兵房應由司庫撥款臣飭司詳細檢查向來陵寢添建營房無論旗營綠營皆無由司撥銀案據僅有地方綠營借餉修理營房之案其所借銀兩仍於該營應領額餉內分年扣還至馬蘭鎮官兵專司守護差務極煩口分極少若令照章借餉修理斷無能分扣三十餘萬巨款之理必須另行籌撥以示體恤此工關緊要如果直省有款可籌亦斷不敢稍分畛域無如司庫萬分支絀實係力難兼顧直省本缺額之區每年糧賦若照額全徵計抵出款尙不敷銀三四十萬兩近歲疊遭災歉蠲豁頻仍上屆旱荒尤重去年下忙今年上忙及陳欠糧租節次奏蒙

恩旨豁緩又須另籌賑濟各庫早經羅掘一空暫時設法挪借之款不少現在僅指下忙錢糧除秋不被水災歉蠲緩外約可徵銀六十餘萬兩而應發本年秋冬季

東陵

西陵各部員役並通省旗綠各營官兵額支俸餉以及各衙門雇俸役食年例緊要各款約共需銀一百餘萬兩刻下各處紛紛催領急如星火皆係必不可少之需萬難緩欠以入抵出實不敷銀數十萬兩又有欠發春夏季俸餉等項尙未知從何設措且來年春季俸餉有應於年前預發及籌備恭辦

穆宗毅皇帝

孝哲毅皇后梓宮永遠奉安大差又約共需銀四五十萬兩臣與藩司再四商籌毫無頭緒焦慮莫名夫畿疆爲根本重地向例額

支歲款不敷或

大差需款原准聲請撥濟臣深知部庫未充未敢請撥卽近年疊辦永定河漫口大工並此外加增之款如節次奉撥

惠陵工需及種樹經費添派守護

暫安殿官兵口分各項統計爲數甚鉅亦無不設法勻湊誠以時艱帑絀但可兼營卽應協力惟當茲大慶之後民窮財匱窘苦異常轉瞬恭辦

陵差應支緊要各款多無指項尙有餘力再顧他用況此項特出巨工本非司庫應撥之款惟有仰懇

天恩俯念直隸地瘠災困籌款萬難將馬蘭鎮承修前項營房工料銀兩仍照該鎮及工部原議由戶部迅速另籌撥給以免貽誤理合恭摺由驛具

奏伏乞

皇太后

皇上聖鑒訓示謹

奏

奉撥馬匹散給河閒耕農片

光緒四年十月十八日

再前因河閒等屬災重之區耕田牛馬宰賣殆盡奏蒙

恩旨賞撥察哈爾牧羣生馬三千匹俾資耕作經都統臣穆圖  
善飭據商都太僕寺兩翼牧羣總管挑選齊備臣派記名提督楊  
安典籌給口分盤費前往領解又經穆圖善親督挑驗足數皆係  
驍壯堪用於八月二十一二十二二十三等日照數收領分批管  
解前進徑至河閒交該府札克丹驗收業據分撥河閒阜城東光  
獻縣交河景州六州縣災區按照稟定章程散給有地無力貧農  
及時領用以廣

皇仁所有奉撥察哈爾馬匹全數領回散給緣由理合附片陳明  
伏乞

聖鑒謹

奏

奏

奏

機器局經費奏報摺

光緒四年十月十八日

奏為天津機器局光緒二年三年分動用經費各款循案開單奏報恭摺仰祈

聖鑒事竊查天津機器局經費係奏明動撥津海東海兩關四成洋稅作正開銷截至光緒元年分止業經督飭局員將支銷款目查照歷屆成案開列簡明清單具奏在案光緒四年七月間於遵旨議覆購製外洋軍火畫一辦法摺內聲明機器局歲銷用款向皆實用實銷開單奏報請仍照舊章以歸簡易每年成造各件撥用存留若干飭令按件詳晰聲明旋經總理各國事務衙門於議覆劉錫鴻條陳摺內奏明津滬兩局每年成造之鎗礮及各項經費除照章開單報部外仍令每年詳細知照該衙門一次以資考證奉



旨依議欽此欽遵各行各在案臣查津局歷年以來次第開拓歷屆動用經費除撥製造工料外尤以購器建廠爲鉅款光緒元年以後機器酌量添製廠庫閒有增造需費漸少誠如總理衙門原奏與創始情形不同自應就動撥之款攷製成之數俾歸核實該局承造火藥銅帽拉火前後膛鎗礮子彈等項疊經迭臣飭營試驗與外洋新式比較無異臣以水雷爲海防要需於光緒二年四月延訂西士選募生童就局內添設電氣水雷局教練一切製成各種水雷歷赴海口演試應手立效茲據會辦局務署津海關道丁壽昌記名道吳毓蘭詳稱接管卷內光緒二年三年分係升任津海關道黎兆棠候補道劉汝翼經辦計二年分製成洋火藥六十四萬三千餘磅銅帽四千二百餘萬顆林明敦士乃得鎗子九十四萬八千餘顆前膛開花礮彈大小六萬八千餘箇後膛銀鉛

來福礮彈二千餘箇各式拉火十七萬四千餘枝洋式鐵木大礮  
架暨車鋸機器等四十餘座三年分製成洋火藥五十八萬餘磅  
銅帽三千五百餘萬顆林明敦格林子彈一百萬餘顆前膛大小  
礮彈五萬八千餘箇後膛礮彈四千餘箇各式拉火十八萬七千  
餘枝林明敦中鍼後門鎗二百餘桿大小水雷五百餘具礮架及  
車鑽機器二十座兩年以來製練礮水礮捲銅皮約四十餘萬磅  
派遣各廠各營及輪船配修銅鐵器具數千件析之或一器而數  
十百件其約七萬餘件動用經費上屆報銷案內原存銀二萬七  
千三百四十一兩九錢八分五釐九絲二忽存料約值銀十九萬  
三千兩光緒二三年分共領海關四成洋稅銀四十四萬五千六  
百八兩七錢五分三毫七絲七忽又收海防經費協款項下撥到  
銀三萬四千兩河南購藥繳價及吉林購鎗餘款銀四千五百十

一兩三錢八分四釐七毫計二年分支用銀二十七萬四千四百  
八錢九分五釐五絲一忽三年分支用銀二十一萬八千三百十  
九兩五錢九分八釐五毫九忽仍存銀二萬三千九十七兩六錢  
二分六釐六毫九忽存料約值銀十五萬九千兩以上兩年用項  
本廠已工繁款鉅兼支應電氣水雷局挖河機器船行營製造局  
等處動撥較繁製成軍火撥用存留各件暨存儲物料逐項清釐  
款目相符委係撙節支用涓滴歸公並無絲毫圖濫惟製造悉仿  
西法料件多屬洋產均無例價可循懇仍援照舊章開單請奏前  
來臣查升任道黎兆棠候補道劉汝翼前此經辦局務均能實事  
求是殫力致精以歲成軍火就歲撥款項核之成數已較往屆加  
增其造價視臣昔在軍購自外洋者所省亦多近時西洋礮械愈  
出愈新卽如後膛鋼礮螺紋內捲與光膛迥異其礮彈外包鉛壳

中設機鍼上安螺絲一彈動需數十工約價十餘金該局如法仿製核價尙廉其餘逐項軍需均有裨海防實用供億各省各軍之外復有存儲具徵該道等督率有方功歸實濟據詳各節臣覆加察核毫無浮冒相應援照向章繕具簡明清單恭呈御覽合無仰懇

天恩敕部查照成案准銷除分咨戶工二部查照並遵

旨另造每年成件及撥用存留數目簡明清冊咨送總理各國事務衙門備查外所有天津機器局光緒二三年分動用經費據實開單緣由理合恭摺具陳伏乞

皇太后

皇上聖鑒訓示謹

奏

謹將天津機器局光緒二年三年分收支各項銀兩分別款  
目繕具清單恭呈

御覽

計開

舊管項下

一原存庫平銀二萬七千三百四十一兩九錢八分五釐九絲二忽

新收項下

一收津海關陸續移撥四成洋稅庫平銀四十四萬五千六百八  
兩七錢五分三毫七絲七忽  
一收南北洋海防經費協款項下撥到長沙平銀三萬四千兩  
一收河南省購用火藥繳價銀二千九百四兩七錢二分五釐

一收撥保定練餉代吉林省購鎗繳同餘款銀一千六百六兩六錢五分九釐七毫

以上共收銀四十八萬四千一百二十兩一錢三分五釐七絲七忽

開除項下

一給發采買外洋各式銅鐵鋼鉛油漆雜料及起運各項公司保險輪船水腳駁價庫平銀十四萬九千一百三十五兩三錢九分二釐三毫一絲六忽

一給發采買內地硝磺煙煤柴炭木植缸磚砂土等項起運船價夫腳庫平銀十二萬七千八百六十九兩九錢七分五釐一毫五忽

一給發建造電氣水雷局房屋南北局門水柵添造烤銅鑪房鑊

鉛鑪房銅帽鎗子等庫購買磚灰瓦石及工匠等價庫平銀一萬七千二百四兩七錢九分二釐八毫八絲七忽

一給發員弁司事人等薪水心紅紙張等項庫平銀三萬一千七百八十九兩一分二釐七毫

一給發各廠洋匠薪水工食醫藥煤炭等費庫平銀二萬八千六百四十六兩四分一釐五絲八忽

一給發仿造外洋機器火藥銅帽洋鎗鎗子礮彈拉火等項工匠學徒夫役及隨時添雇土夫木匠等工食庫平銀九萬九千七百六十三兩六分九釐三毫一絲七忽

一給發天津行營製造局支撥料物雇募洋匠及鐵壳舢板巡防薪糧庫平銀八千九百八十三兩二錢三分一釐二毫八絲一忽  
一給發電氣水雷局華洋教習司事薪水學生局役等月費工食

購買西書電氣等項庫平銀一萬三千五百六十二兩二錢六分三釐八毫一絲二忽

一給發挖河機器船華洋各匠辛工支撥雜物等項庫平銀一萬一千四百十兩七錢一分五釐八絲四忽

以上共支銀四十八萬八千三百六十四兩四錢九分三釐五毫六絲

實在項下

一存庫平銀二萬三千九十七兩六錢二分六釐六毫九忽



撥濟吉林洋鎗片

光緒四年十月十八日

再前准神機營來咨請由天津機器局撥發吉林馬洋鎗五百桿步洋鎗一千五百桿並隨鎗配帶等件經臣查明津局前門洋鎗現無存儲

奏請在上海購辦英國恩費而來福鎗於保定練餉項下動撥銀一萬一千兩作正開銷奉

旨知道了欽此欽遵在案此項馬步洋鎗二千桿飭由上海機器局代購附輪船搭解來津光緒三年九月交吉林委員副都統銜花翎協領富凌阿等領運回省茲據天津機器局轉准上海機器局咨報恩費而來福步鎗一千五百桿連隨鎗配帶購價庫平銀七千三百九十兩五錢一分一釐恩費而來福馬鎗五百桿連隨鎗零件購價庫平銀一千五百九十六兩七錢一分五釐三毫運

津輪船水腳保險庫平銀一百五十九兩九錢四分一釐六毫又  
在津添製馬鎗佩帶五百副庫平銀二百四十六兩一錢七分二  
釐四毫計動撥保定練餉庫平銀九千三百九十三兩三錢四分  
三毫下餘銀一千六百六兩六錢五分九釐七毫歸天津機器局  
列入新收詳請具奏前來臣覆核無異理合附片具陳伏乞  
聖鑒敕部查照謹  
奏

查覆開州民埵漫口情形片

光緒四年十月十八日

再臣欽奉十月初三日

寄諭文格奏黃河北岸因上游民埵決口被水漫淹情形一摺直隸開州境內決口處所著李鴻章飭屬趕緊堵築該處被淹情形若何並著查明具奏等因欽此遵查黃河北岸自直隸開州下至山東張秋二百餘里向以金隄爲保障蓋金隄爲宋元舊制基址高寬可恃前年東省另於金隄之外臨河切近處所就斷續民埵培築新隄咨請直境一律照辦並願幫助民夫津貼地價隨據開州文武勸民自行接築埵工不過水小之年藉可約攔漫水俾保民田夫黃河水性湍悍不受拘束必須棄地與水寬留中洪資其蕩漾遙立隄埵然後可守今北岸復於金隄之外新築隄埵偏溜太近佔礙水道無論工程卑薄即使十分堅厚而欲強制奔突之

勢束歸狹窄之槽實係毫無把握文格本年四月八月間疊次具奏謂此等隄埵黃水隨到隨潰斷不足恃縱使勉力爲之亦等畫脂鏤冰無憑奏效洵是確論今年秋汛甚旺九月十四夜水復陡漲開州安兒頭等處正當上游之衝是以潰決成口金隄以外村莊當時水深二三四尺幸早晚田禾均經收穫麥多未種尙無大損臣以地既受水民力拮据當飭查勘情形分晰稟辦一面疏消漫水勸民趕種冬麥其無籽種者勸諭紳富分別糶借接濟現在直境東境漫水漸消據大順廣道黃槐森稟稱民埵逼近河流萬難防守若官爲堵築徒費財力等語此埵本無關於大局又非官工官守自應察看民力勸令修堵以期水小之年略資堵護仍以金隄爲北岸保障庶不與水爭地乃免偏窄決裂之虞除將該州被水村莊蠲緩錢糧事宜及應否撫恤俟勘議策案奏辦外所有

黃河北岸開州民捻漫口分別辦理情形理合據實覆陳伏乞  
聖鑒訓示謹  
奏

抵還閩省京餉請緩解片

光緒四年十一月初五日

再戶部奏催原續撥本年京餉案內有天津關應解抵還閩省京餉銀二萬兩令於年內解京等因當經轉行遵照茲據津海關道鄭藻如詳稱近年津關稅收短少入不敷出所有應解抵還閩省京餉屢經前關道詳請奏咨緩解現值大祲之後稅收未旺轉瞬封河徵存六成洋稅招商局稅無幾核計封河以後開河以前應撥海防練軍月餉本關稅務司薪水經費不敷甚巨又有續撥惠陵工程銀二萬兩尙屬無從籌措實難代解閩省京餉請緩俟將來洋稅暢旺再行補解等情請奏前來臣查近年貨物滯銷稅項短絀歷經詳晰陳明現屆封河稅無可徵而額撥練軍月餉本關薪水經費不敷既巨又有續撥

惠陵工款二萬兩未知從何籌措委難再顧他款應請將本年應

解抵還閩省京餉銀二萬兩緩俟洋稅暢旺再行補解俾資周轉

聖鑒訓示謹

奏

蘆綱積引減新銷舊摺

光緒四年十一月初五日

奏爲蘆岸因災積引甚鉅擬暫行減新銷舊藉資補救恭摺仰祈  
聖鑒事竊據長蘆運司如山詳稱直豫兩省蘆岸現行額引六十  
六萬二千四百九十七道因引地大半疲滯每年實止銷四十餘  
萬道商人須包賠二十餘萬道之課眾所共知上年直豫大旱河  
水淺涸運路不通窮民轉徙流離道殣相望今年春夏荒災尤甚  
遂致銷數大減有僅銷額引三四成一二成者甚有停秤不售者  
除從前滯引不計外現查光緒三四兩年庫存未領及領而未運  
之引已積至八十萬一千餘道實爲向來所未有大祲之後流亡  
未盡復業銷數斷難如前積引若此之多從何運售據通綱商  
人瀝情籲懇拯救該司以每年滯引二十餘萬道商人包賠課款  
已屬力盡筋疲若再將因災積引八十餘萬道責令認賠全綱將



致傾頽事理亦未平允且商本有限舊引既多未銷新引即無資  
告領與其互相牽制課運兩誤不如減新銷舊補救一時擬自光  
緒五年起將每年應領額引暫停二十萬道以四年爲限即以積  
引八十餘萬道分年帶銷庶免愈積愈多不致課益虧而商益困  
等情具詳前來臣查此次蘆岸受災甚重積引過多迥非尋常帶  
銷可比若仍責商人包賠課款力更不支該司擬以四年爲限每  
年暫減新引二十萬道即將積引八十餘萬道分年帶銷係爲調  
劑災岸保全大局起見合無仰懇

天恩俯准照辦以資補救理合恭摺具陳伏乞

皇太后

皇上聖鑒訓示謹

奏

調區謬良回華摺

光緒四年十一月二十四日

奏爲調回管帶幼童駐洋肄業人員請

旨優獎以示鼓勵恭摺仰祈

聖鑒事竊臣於光緒元年四月奏派工部候補主事區謬良出洋會同原派委員容閣經理幼童肄業各事當卽札委攜帶第四批幼童赴美國哈富地方居住照料各童學習文藝查升任宗人府府丞陳蘭彬原與容閣同派管帶學生常駐美國旋因總理各國事務衙門議辦古巴招工章程檄調陳蘭彬回京維時以幼童肄業事宜關係緊要遴派區謬良速往接辦由臣奏明請旨敕下總理衙門暨工部仍照出差人員向例辦理如有成效從優酌保以示鼓勵在案現陳蘭彬容閣均奉命駐劄美日祕三國出使大臣已於九月初三日在美都呈遞

國書接陳蘭彬來函俟與美國外部商設金山領事辦有端倪卽須前往日祕兩國容閱來函呈請交卸駐洋肄業局務該局原派總辦二員目下各童均已考進書院事務較少既有正副兩使駐劄美國不能置此局於度外其總辦可酌量裁減俾事權歸一以示責無旁貸比與陳蘭彬等往返面商意見相同查有保升主事內閣中書容增祥在美經管肄業充當教習已閱七年洋文洋語具有規模風土人情亦所熟悉陳蘭彬等已就近奏調派充駐美參贊若令兼任管帶學生必可得力參贊事務稍簡副使容閱旣常駐美京華盛頓參贊容增祥卽可常駐哈富兩處鐵路相通輪車往來朝發夕至哈富有事容閱可來相幫華盛頓有事容增祥可暫去相助兩人素稱浹洽自無齟齬之慮主事區謨良已離原衙門四年應仍調回工部當差該員遠涉重洋志趣堅卓督率各

生徒肄習洋學漸得門徑附入各書院益求精進著有成效自應從優酌保以符原議惟該員係屬部曹核與吏部現定章程頗有窒礙若照尋常勞績僅予加級升銜殊不足以資鼓勵其應如何優獎之處伏候

聖裁所有調回駐洋人員仰懇

天恩從優給獎緣由謹會同南洋通商大臣兩江督臣沈葆楨恭摺具陳伏乞

皇太后

皇上聖鑒訓示謹

奏

經理練餉人員請獎摺

光緒四年十二月初五日

奏爲經理練餉人員已歷十年著有微勞擇尤酌請獎敘恭摺仰

祈

聖鑒事竊查直省爲

畿輔根本重地防範不容稍疏前於同治七年勦平梟捻各匪後酌留練軍練勇分路布置扼要巡防並調駐熱河朝陽及北塘海口所需餉乾等項係於省城設立練餉總所派委司道督飭委員按月撥運支應其辦法與各軍糧臺無異同治九年庫倫防務喫緊奉

旨酌調宣化鎮古北口練軍馳往設防維時回氛甚熾防餉急如星火疊經預期籌撥派員運交張家口糧臺轉解兵食無誤寇讎卒銷光緒二年又因奉天馬賊滋擾奉

旨調撥占北口練軍馳往助剿凡餉乾軍械子藥係逕解奉省行營往返數千里之遙加以關外荒涼伏莽未靖該委員等不避艱險隨時設法運送使該軍無懸釜之虞馬賊亦次第剿滅現駐庫倫奉天練軍尙未一律撤防且庫倫又須添調仍應源源運餉接濟比年直屬地方頻遭水旱馬賊鹽梟或數十人或百餘人乘閒竊發均經各營兵勇分投捕辦得臻靜謐固由將士防剿得力亦因糧餉轉運及時乃能踴躍用命查部定章程糧臺每屆二年准將出力人員保獎一次計自同治八年設立練餉總所迄今已及十年照章應保五次卽後設之張家口糧臺專顧西北邊糧餉者亦已奉

旨查保兩次臣仰體

朝廷慎重名器之意尙未將承辦各員照章請獎惟供應道省及

出防鄰省各軍餉需歷時至十年之久轉運僅提持籌稽核著有  
勤勞未使任其淹沒據司道具詳前來擬將尤爲出力之候補班  
補用知縣姚長齡周植瀛均請歸候補班前先補用候補同知朱  
壽昶請俟補缺後以知府用先換頂戴候補知縣王華清請俟補  
缺後以直隸州知州儘先補用河工試用州判吳保芳請俟補缺  
後以知縣用州判用河工補用主簿錢青選請俟補主簿離任歸  
州判班後加五品銜卽用知縣吳傳紱試用知縣戴世文均請加  
同知銜布政司庫大使唐應夔請加隨帶二級書識不論雙單月  
候選從九沈文鈺請加六品銜仰懇  
天恩俯准給獎以昭激勸理合恭摺具陳伏乞

皇太后

皇上聖鑒訓示再周植瀛業經丁憂其勞績在丁憂以前例得列

保俟服闋到省後再歸候補班前先補用又吳保芳錢青選係河  
工人員其勞績在本年七月新章以前亦應列保合併聲明謹  
奏



山海關局稅留抵防餉片

光緒四年十二月十五日

再天津練軍洋鎗隊左後兩營前奉

旨調赴奉天防剿所需月餉係由山海關應解北洋海防經費項下就近劃撥並將該關第六十八結起部提招商局四成稅一併湊墊其不敷之數向由天津局設法解給誠以奉省瘠苦邊防緊要兵難遽撤餉無可籌津局因稅釐短收餉源亦甚竭蹶實難全數勻濟不得不將該關招商局四成稅暫行留抵該省客軍防餉查此項四成稅每結不過二千餘兩前本全數撥充海防經費現准奏咨改提部庫奉省爲

國家根本重地與他處情形不同今以該省關稅暫借作該省防餉爲數無多於部庫無甚出入而於奉省稍有裨助仍俟津軍撤回再飭將此項招商局稅四成統解部庫以符原議理合附片具

陳伏乞

聖鑒敕部查照謹

奏

鄉試仍復旦字號摺

光緒四年十二月初五日

奏爲順天鄉試宣化府屬文生請仍復旦字號原額片中四名恭摺仰祈

聖鑒事竊查順天鄉試宣化府屬文生向來片編旦字號中額四名嘉慶七年將旦字號四名歸入順天員字號合併取中惟歸併之後入場人多中式人少且或脫科道光十八年曾據生員郝瑞齡等請仍復旦字號原額經前任順天學政臣以承德府屬每科考送入闈一百二十人尙有中額三名宣化府屬考送入闈人數比承德多至倍餘自歸貝號中式較少未免偏枯著部復額旋准十九年六月間部覆應由直隸總督查明如果該屬入場人多中式人少必須改復旦字號片額取中會同順天學政據實奏明辦理等因其時適值鄉試年分例不准條奏科場事宜而該屬士

子亦迄未續請核辦本年六月間紳士刑部郎中魏元瑞等復以前情在部呈請並據文生王國彥稟由宣化府知府王袞詳請奏復旦字號原額前來臣查宣化地處邊陲士習樸魯未能與通省文風一律是以從前月編旦字號定額取中原係

朝廷體恤寒畯曲予成全至意嘉慶七年本因應試人多據紳士呈請加額以與定例不符遂奏請歸併通省合中乃自歸併以來應試之人益多取中之數益少如嘉慶三年戊午科五年庚申科六年辛酉科皆在未經歸併以前該屬應試之人止二百十餘名或二百二十餘名取中者各係四名嘉慶七年歸併之後人數自二百數十名漸增至三百數十名近且多至四百五六十名而取中不及四名並屢有脫科者亦由府綱居末進卷稍後或致額滿見遺寒儒皓首窮經往往終身不得一第殊覺向隅儼因進取爲

雖遂致廢書不讀尤非造就人才之道自應准如所請仍復旦字號原額片中四名自光緒五年己卯科鄉試爲始以作士氣而順輿情嗣後如遇

恩科廣額卽仿照承德府之例辦理此係復還該屬原額並非另定新章亦與通省中額無礙理合會同順天學政臣何廷謙合詞具

奏伏乞

皇太后

皇上聖鑒敕部核覆施行謹

奏

庫防調兵請緩辦摺

光緒四年十二月十一日

奏為庫倫請調宣化練軍擬俟來歲春融察酌變通辦理恭摺  
陳仰祈

聖鑒事竊臣欽奉光緒四年十一月十五日

寄諭英奎等奏哈拉河等處游匪尙多盜案疊出防兵太單難資  
鎮撫察哈爾換防兵丁餉項不濟請准仍由直隸宣化練軍內酌  
撥馬隊二百五十名赴庫更換察哈爾防兵仍歸五百名之數等  
語著李鴻章如數酌撥派往等因欽此當經轉行欽遵籌辦旋據  
宣化鎮總兵王可陞口北道玉珩以該處練軍無多現值冬防勢  
難抽調且塞外嚴寒艱於前進稟請核辦前來臣查宣化鎮東鄰  
熱河西通晉隴直接歸綏北抵察哈爾沙漠游牧邊牆環互實為  
京北屏蔽沿邊內外時有馬賊窺伺出張家口至多倫廳六百餘

里游匪肆劫商旅戒嚴汛地處處緊要專賴該鎮練軍分撥布置巡防始得安靜無事直隸原設練軍本爲拱衛

京師以備緩急之用前因西路用兵庫倫防期喫重不得已借調宣軍前往同治十二年正月奏奉

諭旨宣化練軍存兵無多捍衛畿輔彈壓地方未便再議抽調等因欽此欽遵在案目下庫倫防務已鬆尙有宣化馬隊一營在彼駐紮稍足壯聲威而資鎮撫若再於內地冬防緊要之時抽調馬隊二百五十人前往則存營兵力益單實慮顧彼失此且塞外嚴寒冰雪載道卽勉強勻撥沿途水涸草枯馬亦無所得食臺站必致苦累臣悉心酌度擬俟來年春融草長之際如哈拉河游匪已經撫輯卽無須往來征調之煩如必添調宣軍屆時察商情形再酌撥馬隊百名飭哨隊等官督率前往卽令現駐庫倫馬隊營官

譚興魁管帶約束以歸開易仍俟該處游氛稍戢卽行撤回如此  
變通分撥近畿地而不致遽形空虛庫倫邊境亦可藉資彈壓庶  
幾兩無窒礙除先咨撥庫倫辦事大臣知照外理合恭摺由驛覆  
陳伏乞

皇太后

皇上聖鑒訓示謹  
奏



奏保李金鏞片

光緒四年十二月十三日

再前因河開各屬被災最重待賑戶口甚多人力財力皆有不及  
稔知江蘇無錫縣人運同銜分發補用同知李金鏞心存利濟見  
義必爲遂檄飭該員卽於南省勸捐酌帶司事來直助賑該員於  
今春航海抵津與道員吳大澂盛宣懷馳赴災區會督地方官紳  
分投查辦所有阜城景州東光故城武邑賑務由該員會商吳大  
澂等實力經理自春徂秋不遑休息窮民既得口糧又獲籽種同  
慶再生嗣因永定河漫口又飭赴被水之永清東安武清辦理撫  
恤並以故城安平續被水災復勸蘇省紳士捐銀同往查放現在  
尙未竣事除先後由臣撥給官項外統計該員陸續集捐銀六萬  
餘兩上年江蘇海州沭陽山東青州武定等處被旱亦係該員勸  
捐助賑活人甚多足見救災恤民樂善不倦著有成效李金鏞以

兩之多放賑至九州縣之廣出力至十月餘之久自備薪水盤費  
不動公項絲毫賑款涓滴歸公災黎咸沾實惠且勸諭紳民開井  
積穀以備凶荒又月行籌勸巨費於天津創設廣仁堂收養津河  
兩府貧孩節婦安立久遠章程以養以教實於地方大有裨助迥  
與尋常勞績不同其才具心力足勝表率之任查吏部奏定獎章  
皆係尋常勞績其有異常出力者准由督撫據實陳請破格  
恩施歷經遵照在案該員李金鋪通曉吏治條理精詳克己愛民  
樸誠勇敢疊在直東江蘇等省辦賑異常出力累著勞績相應照  
章據實奏懇

特恩破格錄用以昭激勸而勵人才理合附片陳請伏乞  
聖鑒訓示謹

癸

南運河撥款請給八成片

光緒四年十一月十三日

再南運河縣長七百餘里關繫運道民生甚巨原定歲撥修費銀二萬一千兩自咸豐四年起減去一半又按銀票各半支放每千兩僅贖實銀二百五十兩以致河務日就廢弛同治十年議令每千兩給實銀四百兩共只合實銀八千四百兩較之原額仍少六成應辦之工大半停緩該河來源既旺原有減河早經廢棄加以黃流北徙由張秋穿運入衛每屆盛漲險工林立本年伏秋水勢更大九十月間尚拍岸平槽處處出險衝刷隄段淤積灘灘甚多必須擇要濟築乃經費只有此數難責河員徒手辦工查北運河原定歲撥修銀三萬六千兩按四成應給實銀一萬四千四百兩其隄段較南運河少至一半目下尚可敷衍南運隄段既倍於北運河而歲款反減六千金寶屬萬不敷用同治十年議給四成本

係暫時節省辦法今察看水勢愈旺險工愈多正值部議修復運河之際若再遷就勢必敗壞不可收拾據天津道劉秉琳詳請照原額發給十成實銀前來若以該河情形而論自須改發十成實銀始能逐年修治惟現值庫款支絀籌撥亦屬爲難臣覆加酌度擬請自光緒五年起按照原額發給八成實銀飭司仍於藩庫旗租項下按年設法勻撥如旗租收不敷放卽由別項正款借發以期多得四成之費卽可多辦四成之工於運道農田不無裨益並責成天津道嚴督廳汛各員核實籌辦不准稍有草率偷減違則據實參辦以重要工理合附片具陳伏乞

聖鑒訓示謹

奏

近省隄河工費摺

光緒四年十二月十三日

奏爲光緒四年附近省城隄河歲搶修工段丈尺動支銀數開單  
奏報仰祈

聖鑒事竊照附近省城河道隄工如深澤無極祁州安平博野蠡  
縣高陽等境之滋河瀦龍河隄任邱縣之千里隄安州之南北隄  
雄縣之南老隄西槐支河隄趙村壩保定縣之清河埝或工段縣  
長或地居險要皆關民生利害又新開趙王河工長六十餘里節  
宣西淀漲水蘆僧河工長一百三十里分減大清河水勢均須認  
眞修防前經奏定每年在於清河道庫河淤地租項下撥銀三千  
兩以爲各工采購料物搶修之用免其造冊報銷經工部覆准仍  
令工竣時開單奏報嗣因河淤地租不敷動支又經奏准在於清  
河道庫塋船祿夫生息項下按年動撥在案光緒四年開凍後卽

照數撥給銀兩購備椿料造成清河道葉伯英署清河道任信成先後駐工認真督辦夏秋水較多西北山水匯流進注各河疊次盛漲隄壩節節出險屢經該道等督率印委分投搶堵繕復平穩茲據會同藩臬兩司將工段丈尺動用銀數遵照定章詳報前來除民夫土方等項仍歸此辦外所有搶修椿料用款逐一確核無浮理合開具簡明清單恭摺具

奏伏乞

皇太后

皇上聖鑒敕部知照謹

奏

謹將光緒四年附近省城隄河各工歲搶修工段丈尺動用銀數開具簡明清單恭呈

御覽

計開

一任邱縣趙王河兩隄險工開段共合工長一千二百八丈搶修椿料共用銀九百四十五兩六錢

一雄縣趙王河兩隄險工開段共合工長一千四百二十九丈搶修椿料共用銀八百五十七兩五錢二分

一保定縣趙王河兩隄險工開段共合工長五百九十二丈搶修椿料共用銀二百九十三兩五錢六分八釐

一雄縣新城縣蘆僧河兩隄險工開段共合工長四百八十二丈搶修椿料共用銀二百五兩八分六釐



一保定縣清河兩埵險工開段共合工長八百一十八丈搶修樁料共用銀四百六十三兩六錢

一雄縣清河趙村大壩前邊埵墊陷七段共工長二十八丈搶修樁料共用銀三百三十五兩六錢九分九釐

以上各工共用銀三千一百一兩七分三釐除給領銀三千兩全數支用外計不敷銀一百一兩七分三釐已照數籌補合併陳明

長蘆積欠展限停徵摺

光緒四年十二月十三日

奏為停徵長蘆補欠積欠期滿請再展限五年藉紓商困恭摺仰祈

聖鑒事竊查長蘆應徵還年參商補欠積欠銀兩前因見商疲困無力代交經臣奏請自同治十三年起停徵五年俟限滿再行察酌情形辦理奉

硃批戶部知道欽遵在案計扣至光緒四年十二月停徵五年限滿茲據長蘆鹽運使如山詳稱此項補欠積欠原期五年限滿之後成本較輕銷路較暢責令現商攤交詎料近歲疊被旱災各岸銷路倍滯車船腳價昂貴成本愈重實屬久困難蘇況連年災緩正課以及助賑還款均須次第起徵若再加徵補欠積欠商人萬難支拄且補欠積欠兩項本係嘉道以前參商欠項議令現商按

引攤交必須商力充裕乃可陸續彌補今各商自顧不暇焉有餘  
力再代前商還欠請自光緒五年起再行展限五年等情具詳前  
來臣覆核係屬實情應請准如所詳辦理藉紓商困理合恭摺具  
陳伏乞

皇太后

皇上聖鑒敕部查照謹

奏

考察堪勝專閫各員摺

光緒四年十二月十九日

奏為遵

旨悉心考察實在堪勝專閫各員恭摺具陳仰祈

聖鑒事竊准部咨光緒元年十二月初十日奉

上諭軍興以來保舉記名提鎮各員其中才略出眾卓著戰功者固不乏人而人數眾多亦難免庸劣之員濫竽附入著各路統兵大臣督撫於記名提鎮各員內悉心考察如有實在堪勝專閫之任者再行出具切實考語奏明存記以備簡用等因欽此仰見朝廷慎選將才勤求武備之至意欽佩莫名伏查提鎮等官為軍旅所寄折衝禦侮責任匪輕必須威望素著謀勇兼優者方足以膺是選臣所部各營將領從前勦平粵捻諸逆馳驅八九省大小數百戰出生入死備歷艱辛積功遞保至記名提鎮人員為數較

多嗣因中原肅清軍務大定半多解甲歸農茲就現仍在營統帶  
兵勇及隨辦海防各員內悉心考察查有記名提督劉盛休等二  
十員均係懋著勳勞才能出眾堪勝專閫之任且該員等或從征  
湘鄂蘇皖閩浙等省外海內江風濤久習或轉戰直豫東陝等境  
山河阨塞形勝周知於行軍戰守機宜及各省水陸險要歷練已  
多用其所長庶緩急可以有備相應按名出具切實考語另繕清  
單恭呈

御覽仰懇

天恩俯准存記飭用以勵戎行理合恭摺具陳伏乞

皇太后

皇上聖鑒訓示謹

奏

謹將記名提鎮實在堪勝專閫之任各員出具切實考語彙

繕清單恭呈

御覽

記名提督劉盛休安徽合肥縣人樸實沈毅調度有方

記名提督現署天津鎮總兵鄭國魁安徽合肥縣人曉暢軍事鎮靜不擾

記名提督現署正定鎮總兵葉志超安徽合肥縣人果毅有爲驍勇敢戰

記名提督現署大名鎮總兵吳殿元安徽合肥縣人講求紀律謀略頗長

記名提督楊岐珍安徽壽州人樸訥堅強人亦體面

記名提督衛汝貴安徽合肥縣人勤幹廉明馭軍嚴整

記名提督賈起勝安徽合肥縣人勇敢沈實樸練精勤  
遇缺題奏提督現任大沽協副將羅榮光湖南乾州廳人究心洋  
器能知奧妙

提督銜記名總兵劉祺江蘇上元縣人精明幹練捕盜勤能

記名提督聶士成安徽合肥縣人久臨大敵暢達戎機

記名提督趙懷業安徽合肥縣人果決穩練馭眾有方

提督銜記名總兵徐邦道四川人器識宏深嚴明紀律

記名提督張海龍湖南善化縣人英銳果敢才略過人

記名總兵黃金志安徽合肥縣人樸實耐勞訓練精嫻

提督銜記名總兵現任天津中營遊擊陳本榮安徽六安州人明

白事體軍民悅服

記名提督蔡金章安徽壽州人氣韻沈雄才能馭眾

記名總兵孫顯實湖北黃陂縣人治軍清勁執守甚堅  
記名提督鄭國榜安徽合肥縣人質樸厚重辦事穩實  
記名提督總兵鄧萬林湖南長沙縣人才具優長水師夙將  
記名總兵吳長璠安徽合肥縣人勇於戰陣洞悉戎機



滿蒙官民捐助耕牛請獎摺

光緒四年十二月十九日

奏爲察哈爾內外各旗羣滿蒙官員兵民捐助直省耕牛援照節次成案請獎恭摺仰祈

聖鑒事竊臣前因河間等屬災重之區耕田牛馬宰賣殆盡奏蒙恩旨賞給察哈爾牧羣學生馬三千匹並聞察哈爾內外滿蒙官民尙可捐助牛隻當經派委候選知縣查宗仁前往稟商都統臣穆圖善會同旗民各官妥籌勸辦穆圖善念切鄰災籌顧大局各旗員亦交相勸勉共樂輸將遂核定每牛一隻作價實銀十四兩業將辦理情形附片陳奏聲明俟捐竣援照成案開單奏懇恩施從優給獎奉

旨該衙門知道欽遵在案除臺員茂林慶林捐牛三百隻已另行奏獎外計察哈爾內外各旗羣滿蒙官員兵民一百五十三員名

其捐牛三千二百八十七隻已飭委員隨收隨解撥發河間保定冀州各屬災區分給有地無力貧農領收以資耕作正值冬麥布種之際獲益非淺查同治年間察哈爾本處收捐馬駝請獎皆蒙特旨允准卽部議亦謂凡與成案相符或比照成案相去不甚懸殊者均經奏准誠以該處旗羣蒙古向隸外藩較昔苦累而能急公好義踴躍捐輸有裨大局故獎勵亦應從優此次集捐直省耕牛至三千二百八十七隻之多且值近年旗羣生計艱窘慨分畜產以惠農忙尤屬救災恤鄰實心爲善旣非內地勸捐可比實與尋常捐案不同自應各按捐數按照節次奉准成案從優擬獎謹開單恭呈御覽仰懇

天恩俯准照擬獎敘以昭激勸理合恭摺具陳伏乞

皇太后

皇上聖鑒訓示謹

奏

查宗仁留直片

光緒四年十二月十九日

再此次勸捐察哈爾耕牛本屬創舉且收羣蒙古遠在塞外語言文字多不相通尤難接洽同知銜候選知縣查宗仁憫念災黎窮困懇求待耕力任斯役稟商都統臣穆圖善及與旗民各官計議後即帶同通事出口周歷各牧羣地面竭誠勸導風餐露宿艱苦備嘗蒙臺官民見其實心爲公相率感奮或轉爲勸助或首先倡捐於是集腋成裘遂得耕牛三千數百隻該員一面驗收一面商派牧羣弁兵陸續押解進口及時分給貧農應用實屬有裨災區異常出力擬懇

天恩將該員查宗仁仍以知縣留於直隸儘先補用以資臂助理合附片具陳伏乞

聖鑒訓示謹

奏

李文忠公奏稿卷三十三